


適園叢書

張宗祥



通國書

張氏



亦

躋

三

乎

統

十

滔

類

齋

太平治蹟統類提要

謹案太平治蹟統類三十卷宋彭百川撰百川字叔融眉山人是書凡八十八門皆宋代典故通考載前集四十卷又後集三十三卷載中興以後事此本乃朱彝尊自焦竑家舊本鈔傳但有前集不分卷數又中間譌不勝乙彝尊跋謂焦氏本卷帙次第爲裝釘者所亂傭書人不知勘正別用格紙以至接處文理不屬也初紹興中江少虞作皇朝事實類苑李攸又作宋朝事實與百川此書皆分門隸事其義例約略相近然少虞書采摭雖富而俳諧瑣事一兼載體製頗近小說攸書於典制特詳記事稍略惟此書於朝廷大政及諸臣事蹟敘述頗爲賅備可與史傳相參考雖傳寫久譌而規模

終具闕其斷爛之處而取其可以考見端委者固與李心傳
建炎以來朝野雜記均一代記載之林矣

卷一

高宗皇帝

建炎元年

九月庚子朔

上以少卿王

人不成得五

小類二

尊自

家四

關

太平治蹟統類卷一

宋彭百川撰

聖宋仙源積慶符瑞

趙氏之先自造父爲周穆王御封趙城因氏焉其後與韓魏分晉列爲諸侯至漢趙廣漢居涿郡中遂爲郡人皇高祖諱朐以儒學爲業歷永清文安幽都三縣令皇曾祖諱珽亦儒學世其業歷藩鎮從事累官至兼御史中丞皇祖諱敬慷慨有大志事劉仁恭父子歷營薊涿三州刺史周顯德中贈左驍衛上將軍皇考諱弘殷事唐莊宗掌飛捷禁軍踰二十年歷漢周累以功遷至檢校司徒贈太尉

此條通略例云云

先是唐正

元壬午歲有五色雲見長安太史張璇曰以日宿推之在宋

分後一百六十年有聖人興其地至後唐天成丁亥歲上生於洛陽夾馬營有神光滿室異香經宿不散上諱匡胤晉天福中兩浙兒童聚戲多以趙字爲語助開運末宋州有異人指其地曰不二十年有帝王由此建號上雄偉沈厚而多大略嘗客游至漢東而刺史范陽董宗本之子遵訓每見城上有紫雲如蓋及上去紫雲漸散周祖西征得上以置左右世宗嗣位命上掌禁軍劉崇寇澤潞世宗親帥師與崇遇於高平大將樊愛能等未戰而遁世宗躬自督戰上卽大呼躍馬徑犯其鋒萬軍披靡周師復振崇眾大潰還援殿前都虞候世宗征淮南命上領輕騎翼從敗淮人萬餘於渦口僞將皇甫暉及姚鳳率眾號十五萬塞清流關上擊走之暉將保滁

州上追至城下擒之獲鳳遂下滁州時侍衛馬軍帥武安韓
令坤守揚州吳將陸孟俊據蜀岡以逼其城令坤懼欲退師
世宗命上領兵趨六合援之敗李景之弟達於六合東殺萬
餘眾禁兵有不用命者必陽爲之趣戰奮劍破其皮笠以明
日索得斬之自是人皆死戰皇考崩踰月起復授殿前都指
揮使世宗復征淮南命上率殿前諸軍以下壽州還領義成
軍節度世宗征濠泗上率精騎爲前鋒破吳人於十八里灘
乘勝攻泗州范再遇以城降及征楚州上親冒矢石麾兵登
城拔之改忠武軍節度世宗北征上先至瓦橋關降其將盧
龍姚內斌又敗胡騎數萬遂平關南世宗一日於文書囊中
得木長三尺餘題曰檢點作天子世宗異之時曲陽張永德

爲殿前都檢點命上代之累遷歸德軍節度一日上夢從世宗游池上世宗取印視之迴顧梁王弗與而授於上上嘗從布衣辛文悅肄業文悅亦夢邀駕旣拜乃上也又有青衣童子升書中據牀而坐曰宋州官家教我來忽不見其幽顯符應如此時周帝幼冲故中外密有推戴之意

太祖受禪

建隆元年春正月辛丑朔北漢兵自土門東下與契丹人寇命諸將禦之太祖自殿前都虞候再遷都檢點輔政凡六年士卒服其恩威數從世宗征伐人望固已歸之壬寅鎮寧節度慕容延釗先發時都下驢言將以出兵之日策檢點爲天子士民恐怖爭爲逃匿之計惟內庭晏然不知癸卯大

軍出愛景門紀律嚴甚眾心稍安軍校河中苗訓者號知天文見日下復有一日黑光久相磨盪指謂太祖親吏宋城楚昭輔曰此天命也是夕次陳橋驛將士相與聚謀曰主上幼弱未能親政我輩出死力爲國家破賊誰則知之不如先立檢點爲天子然後北征未晚也都押衙上黨李處耘具以其事白皇帝弟匡義及節度掌書記蘄人趙普語未竟諸將突入稱說紛紜普及匡義各以事理逆順曉譬之曰太尉忠赤必不見從諸將相顧亦有稍稍引去者已而復集露刃大言曰軍中偶語則族今已定議太尉若不從則我輩亦安肯退而受禍普察其勢不可遏與匡義同聲叱之曰策立大事固宜審圖爾等何得便肆狂悖乃各就坐聽命普復謂曰外寇

壓境將莫誰何益去攘卻歸始議此諸將不可曰方今政出多門若俟寇退師還則事變不可知也但當急入京城策立太尉徐引而北破賊不難太尉苟不受策六軍決亦難使向前矣普謂匡義曰事既無可奈何政須早爲約束因語諸將曰興王易姓雖云天命實係人心前軍昨已過河節度使各據方面京師若亂不惟外寇愈深四方必轉生變若能嚴敕軍士勿令剽劫都城人心不搖則四方自然寧謐諸將亦可長保富貴矣皆許諾乃其部分夜遣衙隊軍使郭延贊馳告殿前指揮使浚儀石守信殿前都虞候洛陽王審琦守信審琦皆素歸心太祖者也將士環列待旦太祖醉臥初不省甲辰黎明四面叫呼而起聲震原野普與匡義入白太祖諸

將已擐甲執兵直扣寢門曰諸將無主願策太尉爲天子太祖驚起披衣未及酬應則相與扶出聽事或以黃袍加太祖身且羅拜庭下稱萬歲太祖固拒之眾不可遂相與扶太祖上馬擁逼南行匡義立於馬前請以剽劫爲戒太祖度不得免乃攬轡誓諸將曰汝等自貪富貴立我爲天子能從我命則可不然我不能爲若主也眾皆下馬曰唯命太祖曰少帝及太后我皆北面事之公卿大臣皆我比肩之人也汝等無得輒加陵暴入城不得侵掠擅劫府庫汝等用命有重賞不然當族誅諸校皆稟命時上母南陽郡夫人杜氏在城中上憂之遣楚昭輔先入問起居時石守信嚴兵守左掖門昭輔至納之昭輔見上母具陳士眾擁戴之狀瑯琊夫人王氏侍

側有懼色上母言笑自若曰吾兒生時神異吾知其必承天命上整軍自仁和門入秋毫無所犯先遣客省使大名潘美見執政諭意時宰相早朝未退聞變范質下殿執王溥手曰倉卒遣將我輩之罪也爪入溥手則出血溥噤不能對太平節度使同平章事侍衛馬步軍副都指揮使在京巡檢太原韓通自內庭惶遽奔歸將率眾備禦散員都指揮使蜀人王彥昇遇於路躍馬逐之至其第第門不及掩遂殺之並其妻子諸將翼太祖登明德門太祖令軍士解甲還營太祖亦歸公署釋黃袍俄而將士擁質等俱至太祖嗚咽曰吾受世宗厚恩爲六軍所逼一旦至此慚負天地將若之何質不肯拜列校太原羅彥環挺劍而前曰我輩無主今日必得天子太

祖叱之不退質等不知所爲乃言古有受禪之禮今可行也

因具陳之且曰太尉旣以禮受禪事太后當如母養少主當

如子勿負先帝厚恩上許諾質等降階列拜

質言受禪禮通略載長編以爲

未入城時議已定今並錄出

並呼萬歲奉上詣崇元殿行禪代禮召文武

百官就列至晡班定周帝下制禪位宣徽使引太祖就龍昇

北面拜受宰相扶太祖升殿易服東序還卽位羣臣拜賀奉

周帝爲鄭王太后爲周太后遷居西京乙巳詔因所領節

度使州名定國號曰宋改元大赦常赦所不原者咸赦除之

內外馬步軍士等第優給命官分告天地社稷遣中使乘傳

齎詔諭天下節度使又別以詔賜焉辛亥石守信高懷德

張令鐸王審琦張光翰趙彥徽官爵階勛並從超等酬翼戴

之勛也

乙卯遣使往諸州振貸

丁巳天雄節度使守太

尉兼中書令魏王宛正符彥卿上表乞呼名詔不允彥卿宿將且前朝近親皇弟匡義汝南郡夫人又彥卿女也上每優其禮遇云先是鎮安節度使侍衛馬步軍都虞候武安韓令坤領兵巡北邊慕容延釗復帥前軍至真定上旣受禪遣使諭延釗與令坤各以便宜從事兩人皆聽命己未加延釗殿前檢點昭化節度使同中書門下三品令坤侍衛馬步軍都指揮使天平節度使同平章事壬戌歸德節度判官寧陵劉熙古爲左諫議大夫掌書記趙普爲右諫議大夫樞密直學士宋亳爲觀察判官安次呂餘慶爲給事中端明殿學士攝觀察推官太康沈義倫爲戶部郎中甲子以皇弟爲

殿前都虞候匡義領睦州防禦使賜名光義尊帝母南陽郡夫人杜氏爲皇太后司徒兼門下侍郎平章事范質加侍中右僕射兼門下侍郎平章事王溥加司空樞密使太原吳廷祚同中書門下二品

二月乙亥改天下郡縣之犯御名廟諱者 壬戌追尊祖考爲帝高祖肫諡曰文獻廟號僖祖陵曰欽陵高祖妣崔氏諡曰文懿曾祖兼御史中丞珽諡曰惠元廟號順祖陵曰康陵曾祖妣桑氏諡曰惠明皇祖涿州刺史敬諡曰簡恭廟號翼祖陵曰定陵祖妣劉氏諡曰簡穆皇考古廂都指揮使岳州防禦使弘殷諡曰昭武廟號宣祖陵曰安陵陵名號諡皆翰林學士禮部侍郎兼判太常寺事漁陽竇儼所撰定儼儀弟

也 有司言國家受周木德水生火當以火德王色尚赤臘
用戌從之 上既卽位欲陰察羣情向背頗爲微行或諫曰
陛下新得天下人心未安今數輕出萬一有不虞之變其可
悔乎上笑曰帝王之興自有天命求之亦不可得拒之亦不
能止周世宗見諸將方面大耳者皆殺之然我亦終日侍側
不能害我若應爲天下主誰能圖之不應爲天下主雖閉門
深居何益旣而微行愈數曰有天命者任自爲之我不汝禁
也由是中外懾服

太祖平澤潞

李筠

李筠并州太原人也善騎射後唐秦王從榮判六軍諸衛募
勇士爲爪牙筠操弓矢求見弓力及百斤府中無能挽者從